

可並野夫常許似龍眠

望蓬萊

真大道損損做修持到處受人欽  
供養得便宜是落便宜步步  
入青泥 爲貧漢寂淡莫相違  
外貌常教人見畏內容默默探  
靈芝指日赴師期

聽咨告少事要君知萬事苦求終害已  
得便宜是落便宜伶俐  
不如癡 真修鍊心外莫行持  
祇據眼前爲見在自然煩惱不  
相隨步步入無爲

行大道認取坎和離一點來時顛倒處  
兩般消息與搜披玄妙  
不難知 休外覓識取自菩提  
有相身中成鍛鍊無爲路上證

道藏輯要

水雲集

三

胃集五  
川X6

牟尼指日跨雲霓

全真妙無我亦無人無作無爲絕視聽謙和柔弱沒踈親寂寞  
守清貧 玄玄處得得好良因一點無生真自在湛然常寂本  
來真功滿列仙賓

長真子曰計旋尋求隨分隨緣消舊業閑愁閑悶一時休  
明月  
照山頭 常澄湛無證亦無修  
自在不居因果界逍遙穎脫出  
沉流功滿到瀛洲

滿路花

因師超苦海捨俗探幽玄頓居歡喜地認貧閑是非人我豈論  
與愚賢步步清涼路信任遨遊兀誰知恁恬然 也無心遠望